

PEDAGOGIK FAOLIYATDA MULOQOTNING AHAMIYATI

Tolibboyeva Sabina Sherzod qizi

O'zbekiston davlat jahon tillari universiteti talabasi

Anotatsiya: *Mazkur maqolada pedagogic muloqotning o'ziga xos jihatlariga e'tibor qaratar ekanmiz , shaxslararo muloqotning boshqa shakllariga nisbatan pedagogning o'quvchilar bilan muloqoti va hamkorligidagi o'ziga xoslik o'quvchilarning rivojlanishlariga xizmat qilishi o'rganilgan.*

Kalit so'zlar: *Muloqot, shaxs, seminar, munozara, xulq –atvor , ta'lim tarbiya, pedagog, bilim, ijtimoiy.*

Chetdan nazar tashlar ekanmiz insonning ,rivojlanishi, shaxs bo'lib shakllanishi uning jamiyat bilan bo'lgan aloqasi muloqotsiz tasavvur qilish juda qiyin.

Muloqot-bu insonlarning hamkorlikdagi faoliyatiga bo'lgan ehtioji bo'lib , ularning o'zaro munosabatlari , ta'sirlari , ma'lumot hamda axborot almashishiga doir ularning birgalikdagi faoliyati hisoblanadi. Shaxs muloqotini shakllantirishda uning yoshi, jinsi, kasbi, dunyoqarashini hisobga olgan holda ish olib boorish lozim.

Shuning uchun ham muloqot ta'lim – tarbiya jarayonida birinchi darajali ahamiyat kasb etadi. Muloqotsiz ijtimoiy tajribani ta'lim oluvchilarga taqdim etish imkonsizdir. O'qituvchidan esa nutq va muloqot madaniyatini , notiqlik san'atini puxta egallashi muhim ahamiyat kasb etib bormoqda. Yoshlarning bilim olishlari, intilishlarini o'qituvchiga yoki tengdoshlarining ichki olamiga yaqinlashtirish uchun atrofdagilarga uning nazari bilan qarash ,yondashish , ularni tinglash va tushunish ular uchun muhim o'rin egallaydi. O'qituvchilarning ta'lim jarayonida muloqotini shakllanishida uning tarbiyalanganlik darajasi ham muhim o'rin egallaydi. Ta'lim berish jarayonida yoshlarga kuchli ta'sir etadigan so'zlarni qo'llasangiz ham u qabul qilmasligi mumkin . Chunki bolada yoshligidan muomala madaniyatini shakllantirib borishda maqsad to'g'ri qo'yilishi lozim bo'ladi. Ta'lim jarayonida o'quvchilar nafaqat bilimlarni o'rganishga jalb etiladilar, balki ularning muloqotga bo'lgan ehtiyojlari ham qondiriladi. Shu asosda o'quvchilarda o'z o'zini namoyish etish , ijod qilish, o'zliklarining yaxshi jihatlarini ko'rsatish ko'nikmalari ham shakllantiriladi . Shaxsda ko'nikma , bilim, malakalrning hosil bo'lishida esa muloqotning o'rni beqiyos. Muloqot nafaqat ta'lim- tarbiya jarayonida, avvalo oilada, mahallada, jamoada, guruhda shakllanib boradi . Agar oilada kattalar bir-birlariga qo'pol munosabatda bo'lsalar , bola ham ularga taqlid qilib atrofdagilar bilan nizolarga borishi mumkin . O'qituvchi bilan o'quvchilar orasidagi muomala va muloqotni to'g'ri yo'lga qo'yilmasligi ularning o'zaro bir- birlarini tushunmasligi ular orasida qiyinchilikni vujudga keltiradi, hamda o'quv- tarbiya jarayonini murakkablashtiradi, ijtimoiy tajribasini ta'lim oluvchilarga yetkazilishini qiyinlashtiradi. Bu esa o'quvchilarning yangi xarakterdagi shaxsiy tajribani hosil qilishlariga to'sqinlik qiladi. O'qituvchining o'quvchilar bilan muloqotga

kirishish jarayoni kasbiy pedagogic faoliyatning mazmuni va muhim tarkibiy qismini tashkil etadi. Pedagogik muloqotning o'ziga xos jihatlarga e'tibor qaratarkanmiz, shaxslararo muloqotning boshqa shakllariga nisbatan pedagogning o'quvchilar bilan muloqoti va hamkorligidagi o'ziga xoslik o'quvchilarning rivojlanishlariga xizmat qilishidir. Pedagogik muloqot o'qituvchining shunday muloqotiki, uning yordamida o'quvchilarning istak va hohishlarini rivojlantirish uchun qulay sharoit yaratiladi, o'quv faoliyatining ijobiy harakterga ega bo'lishi ta'minlanadi. Shu tariqa pedagogik muloqot tushunchasi ostida o'qituvchi bilan o'quvchilarning o'zaro munosabatlari tizimi, o'zaro axborot almashinish jarayoni, ta'lim –tarbiyani optimallashtirish imkoniyatlari, alohida o'quvchilar bilan birgalikda ishlashni tashkil etish imkoniyatlari shakllanadi. O'qituvchi va o'quvchilarning birgalikdagi harakatlarini tarbiyaviy ta'sir ko'rsatilishi, o'quvchilarning bilish imkoniyatlari, ularning mustaqil muloqotga kirishishlari uchun qulay sharoitlarning yaratilishiga imkoniyat yaratiladi.

FOYDALANILGAN ADABIYOTLAR:

1. Maqsudova M.A. "Muloqot psixologiyasi". –T.Yangi asr avlodi, 2006.- 204 b.
2. Alimjonova Z., To'laganov A. N., "Nutq san'ati" / 2005.
3. Bobonazarova B. "Nutq san'ati" 2004.
4. Karimova V. M. "Psixologiya". T.: Sharq, 2000.-256 b.